

AD
INCOGNITORUM LITERARIORUM
AUSTRIACAM SOCIETATEM
EPISTOLA.



(III.)
INCOGNITORUM LITERARIORUM
AUSTRIACÆ SOCIETATI

A. M. CARD. QUIRINUS
S. R. E. Bibliothecarius, & Episc. Brixien.



Uperiori anno quum satisfaciendum mihi foret officio gratias agendi Regiæ Berolinensi Scientiarum Academiæ, quod me prorsus immerentem illustri Sodalium suorum cœtui copulasset, induxi tunc in animum partes illas implere, inscripta eorum omnium nomini quinta Epistolarum mearum Latinarum Decade, quam opportune admodum illis ipsis diebus absolveram. Pari in præfens inita ratione Confessui vestro me fisto, Academici præstantissimi, æque publico, æque solemnî documento Vobis testaturus grati animi mei sensus, quippe qui æque honorificum humanitatis singularis argumentum mihi præbuitis suffragiis illis, quibus de me in Collegium istud adsciscendo deliberationem cepistis. En itaque Decadem sextam earundem Epistolarum, quam Vobis

(IV.)

offerens in unum Volumen redactam, tantis auspiciis in lucem emitto. Neque tamen vereor, ne quis vestrum existimet, pertractata in lucubrationibus, quæ illa conflatur, argumenta nihil, aut parum conducere posse ad Academiæ vestræ institutum, cui videlicet propositum sit bonas literas, & præsertim Philosophicas, Physicas, & Mathematicas juvare. Quid vero, an non hæc ipsa studia a Christiana vestra pietate ad divinum eum scopum diriguntur, quem iisdem lucubrationibus monstrare, firmare, & communire suscepi, id scilicet unice satagens, ut homines edocti quæ ad dogmata Ecclesiæ, Regnumque Christi in terris pertinent, ad æternam felicitatem deducantur?

Igitur ex arcta ea necessitudine, quæ inter sacram, profanamque literaturam intercedit, nullus dubito, Decadis hujusce munusculum benigno animo a Vobis exceptum iri, eoque magis, quod hujusmodi istud sit, quo nullum aliud excogitari posset magis consentaneum offerentis personæ; hujusmodi etiam, cujus non vile esse pretium falsi sint, vel ipsi Heretodoxi, quorum ictibus adversus dogmata, quæ dixi, repellendis fabrefactum esse conspicitur. Utraque hac conditione quo pacto donum istud gloriari possit, statim explico, in medium allata Epistola, quam ante unum circiter mensem dedi ad Cardinalem Kollonitzium, Archiepiscopum Viennensem, quæque præclarissimo hoc nomine ornata illustre quammaxime initium faciet

et Decadi mex septimæ. In illa enim, quod spectat ad personam offerentis, autoritate inclyti Civis mei, Augustini Cardinalis Valerii comprobatur, Sanctæ Romanæ Ecclesiæ Senatorem, siquidem libris scribendis incumbat, tunc non minimum addere amplissimo loco, quem in eadem tenet, splendorem, *Si libros scribat populo Dei utiles, quibus hæreses confutentur*. Quod spectat vero ad Heterodoxorum de meis hujusce generis laboribus judicium, proferuntur in eadem Epistola eorum hominum testimonia, quibus honorificentius Catholicum Controversiarum scriptorem quidpiam ullo unquam tempore ex Adversariorum confessione rerulisse, Ecclesiastici Annales vix, aut ne vix quidem edoceant. Testimoniis autem illis, ad quæ Vos amando, bina valde singularia ut modo adjungere valeam, effecerunt literæ, quæ meas ad manus hac ipsa hebdomada advenerunt. Eas primo referam, quas mihi dedit publicus in Acatolica Universitate Professor, quicum valde acres de rebus ad orthodoxam Fidem pertinentibus concertationes habui. Is, postquam a me accepit Tomum III. Epistolarum Card. Poli, & Epistolam jam jam allegatam ad Cardinalem Kolonitzium, ita mihi scribit die 3. Martii, *Quantum prisca Ecclesia suo Joanni Damasceno, quem Ariatorum appellavit malleum, debet, tantum profecto Tibi, Emin. Pr., merito tribuere potest Ecclesia Romana in Te malleum Heterodoxorum nata. Perlata ad me sunt nova, eaque ad unguem exasciata Scrip-*

ta, quorum alterum est Pars Epistolarum Poli Tertia, alterum autem Epistola ad Card. Kollonitz bis diebus in lucem emissæ. Perlustranti Opus Poli ornatissimum egregie se mihi probavit Contareni de Justificatione Tractatus, quo nihil in hoc quidem scribendi genere a vestris hominibus evulgatum vidi doctius, subtilius, & elegantius. At si hujusmodi testimonium privatam duntaxat habet auctoritatem, publicam inesse nemo negaverit ei testimonio, quod aliæ literæ mihi exhibuerunt, quibus scilicet junctum inveni unum ex foliis, quæ in Urbe Turicensi singulis hebdomadis imprimuntur. Recensetur ibidem mea ad Vir. Clariss. Samuelem Formejum, a Secretis Berolinensis Academiæ, Epistola, in qua demonstrandum sumpsi, Romanæ Ecclesiæ Proceres a me jamdiu celebratos, semperque celebrandos, quemadmodum Lutherum solida doctrina omni, Christiana pietate, sapientia singulari, & reliquis ingenii, animique dotibus nimis quantum superarunt, ita homini illi nulla ratione secundos fuisse in linguarum Orientalium peritia; nam hanc quoque sibi ipsos assiduo, & incredibili studio comparasse, indubiis documentis ostendi. Eam vero recensionem Scriptor Zuinglianus in hunc modum concludit: „Ego quidem ita sentio „Lutherum sat doctrinæ, acuminisque habuisse, ut „susceptum a se facinus Ecclesiasticæ Unitatis discin- „dendæ ad finem perduceret, at facinus illud nun- „quam aggressurum eundem fuisse, si doctrina, &
„acu-

(VII.)

„acumine magis valuisset. „ Qui ad me folium istud transmisit, una simul laboribus meis in hunc modum gratulatus est, *Lisez ou faites Vous traduire la fin de la page 93. de cette feuille, ou l'on dit publiquement, que si Luther avoit eu autant de sagesse, & d'erudition qu'en ont eu Contarenius, Polus &c. il n'auroit pas entre pris de reformer l'Eglise. Mais n'en ayant eu que tres peu, mais beaucoup de hardiesse, il a reussi. Enfin Monseigneur Votr' Eminence peut bien comprendre, que c'est assez dire que d'avancer de telles choses dans une Ville comme est Zuric dans un imprimé public. Rome n'a pas été batie dans un jour.*

Quo tendant postrema ea verba, *Rome n'a pas été batie dans un jour*, absque dubio unusquisque vestrum intelligit, ad augendam scilicet spem appropinquantis jam temporis, quo Divina favente gratia impleatur Votum a religiosissimo, & sapientissimo Card. Kollonitzio in Epistola superius laudata hisce verbis declaratum, **PIACCIA ALLA DIVINA SAPIENZA CH' ILLUMINA IL SANTO NOSTRO SOMMO PONTEFICE SUO VICARIO, CHE GIO' SUCCEDA** (loquitur de Sectariorum ad Romanam Ecclesiam adjunctione) **SOTTO IL SUO APOSTOLATO. Ejus Voti Praconium, quod jam alibi feci, hic rursus instauro, eique praeterea socio alterum, quod sequitur, HABEMUS PONTIFICEM MAXIMUM, INTEGRÀ FAMA, SUMMA VIRTUTE, SAPIENTIA SINGULARI, ANIMI MODERATIONE, PRUDENTIA AGENDORUM, QUÆ DOMUS CHRISTI DISPENSATOREM MAXIME DECET, PRÆSTANTISSIMUM.**

Dum

Dum vero Præconium istud utrumque circumvolabit Germaniam universam, cur non exstimulet Acatolicos ad experimentum faciendum, num prolixissima voluntas, qua fertur **BENEDICTUS XIV.** ad benemerendum de omni hominum ordine, ipsos quoque ita complecti valeat, ut in eodem Liberatorem suum se nactos fuisse glorientur, ac hujusmodi Liberatorem, a quo, post excussum Hæresis jugum, emolumenti plurimum, damni nihil ad se venisse persentiant? Addam insuper, ipsos quoque Principes, qui illorum dominantur, ea occasione adeo erga se benignum **BENEDICTUM XIV.** reperturos, ut, audita Hujus voce, rerum suarum politicis etiam rationibus sese absque dubio bene consuluisse dignoscant. Quam valde Clementis VIII. paterna commota sint viscera, quo tempore jucundissimam in Domino Jubilei celebritatem Christifidelibus pro anno MDC. indicens, oculos suos deflexit ad Heterodoxos gaudii illius expertes futuros, testantur Apostolicæ ejusdem literæ, in quibus inter cætera ille profitetur, se pro Hæreticorum æterna animarum salute vitam ac sanguinem, si opus foret, libentissime effundere paratum esse. Imminentis Jubilei solemnitas non vitam, non sanguinem **BENEDICTI XIV.** deposcit, sed Paræneticas Epistolas, cujusmodi conscribendarum, quæ profecto doctrinæ, sapientiæ, & charitatis canon censeantur, unus Iple artifex esse valeat. Supervacuus etiamnum fore conatus omnes, qui a Supremo isto

(IX.)

isto Christianæ Reip. Hierarcha ad rem , de qua agitur , adhibeantur , is tantum dixerit , quem lateat Pauli Apostoli illud , *Ego plantavi , Apollo rigavit , Deus autem incrementum dedit.*

Tandem ut ad Vos redeam , Collegæ optimi , quin tamen ab Anni Sancti argumento , ad quod Epistola mea ista declinavit , stylum removeam ; fas mihi sit , ad memoriam vestram revocare admirandæ pietatis exempla , quæ , dum Jubileus anno MDC. celebraretur , edidisse narrantur in Historia ejusdem ab Augustino Cardinali Valerio conscripta , Andreas Cardinalis ab Austria , & Franciscus Cardinalis a Dietrichstain , Olomucensis istius Urbis , quæ Academiæ nostræ Sedes est , Antistitis , & Sancti Pastoris nomine apud Vos nuncupati . Tam illustria facta utinam in proximo Jubileo Austriaca ditio omnis sequatur , præsertim vero insignis Metropolis ista Marcomannorum ! nam utraque

Exemplo tangi non propiore potest.

Quotquot vero ex Vobis sacram hanc peregrinationem sint obituri , quam vellem : ut ad Brixianam hanc Urbem diverterent ; recto enim meo lubentissime omnes exciperem , præsertim autem doctos eos Monachos , quos novi Academiæ Vestræ accensitos reperiri , quibusque propterea duplici Sodali-
tatis vinculo in præsens conjungor . In Bavarico itinere , quod proximo Autumno peregi , hospites quosvis meos , plerumque Benedictinæ Regulæ as-
leclas , magnopere curavi , Romæ adeundæ an-
no

no Jubilei desiderio incendi , ac professus sum ,
 Ædes hæc Episcopales , quas dimidio (Brixia-
 nos omnes testes habeo) ampliores reddidi , sibi
 ipsis eam amplificationem vehementer gratulatu-
 ras , dum hujusmodi hospitalitati patebunt . Ex
 Ædibus iisdem conspicerent ipsi unico intuitu &
 novam Bibliothecam , & novum Templum , & au-
 ctam novis redditibus Domum *Apostolici* , ut vo-
 camus , Cœtus ad opitulandum iis instituti , qui
 obscure ferunt egestatem . Quoniam vero calamus
 meus ad memoranda postrema ista , nescio quo pa-
 cto , excurrit , huc transferam *SANCTITATIS SUE*
 verba ex Allocutione habita in Concistorio Secreto
 die 3. hujus mensis . Recensitis ibidem distinctim
 quotquot in Alma Urbe seu perfici , seu reparari
 maximis sumptibus curavit , Orationem illam in
 hunc modum concludit , *Ob eam solummodo cau-
 sam hæc omnia Vobis recensuimus , videlicet ad ve-
 stros animos , qualicumque exemplo Nostro , inflam-
 mandos , ut studiis ac desideriis Nostreis obsecundetis ,
 quæ sane ad augendam Dei gloriam , splendoremque
 Sedis Apostolicæ amplificandum , unice diriguntur .*
 Exemplo , hortatu , præceptis hisce sanctissimis stu-
 dia omnium Ecclesiæ Præfulum , ac præsertim S.R.E.
 Cardinalium , conformari debere , nemo est qui non
 videat . Valere .

Brixia die XXVI. Martii an. MDCCXLIX.

P.S. Nullus dubito a doctissimis Academiæ nostræ Præfide Jose-
 pho L.B. a Petrasch , atque Secretario Equite la Motte des Aulnois
 nunciatum Vobis fuisse librorum , quos tenuis Minerva mea pro-
 crea-